

տասն և հինգ օր մնում գիւղում, այդ ժամանակամիջոցում գիւղացիները նրանց համար ծախսում են 60 հաւ, 4 ոչխար, 3 լիտր դանտ, $\frac{1}{4}$ լիտր թէյ և 10) հաւկիթ: Բայց անխիղճները դրանով չեն գոհանում, նրանք շիկացած շամփուրներով գաղում են գիւղի քէզխուղայի ձեռներն, ապա նրա տան գորգի վրայ կրակ ձգում ու սակարկութիւն անում, որպէսզի կրակը վերցնեն. անօգնական քէզխուղան հինգ թուման փող վճարելով ազատում է գորգն այրելուց: Այնուհետև նրանք գնում են Տէր-Գրիգոր քահանայի տունը և նրանից բոնի տանում եկեղեցու բաժակը (գինին) և խմում:

1917 թւին Մըրզա-Ղուլի խանը մտնելով գիւղ առնում է 70 թուման: 1918 թ. Հուսէն-Ղուլի խանը ձմրան 60 ձիււորով գալիս է գիւղ և մի գիշեր մնում. հեռանալիս առնում է 42 թուման:

Այսպէս նոյն թշուառ և անմխիթար դրութեան մէջ է գտնւում Հազանի գիւղացիութիւնը, նրանցից շատերը հարրատահարութիւնից այն աստիճան քալքայւել էին, որ ծախում էին իրենց տան գերանները և հացի տալիս:

— Վարժապետ ջան,— մատով ցոյց տւեց ինձ Տէր-Գրիգոր քահանան, — տեսնո՞ւմ ես գիմացի սիրուն բալախանայով էդ տունը. զեղի քէզխուղի տունն էր, էնոր չափով արին, խեղճը էնպէս քանդւեց, որ ախրը սովճութենէ մեռան նրա կինն ու քուլֆաթը և ինքն էլ թողեց գնաց գիւղից, այժմ փակ են էնտոր տան դռները:

Մենք բոլորս ընկանք տխուր մտածմունքների մէջ, լուռ էինք, ինչպէս սարերը:

№	Կ Ա Ր Գ Ե Ր	Շունչ
1	Աղքատ	400
2	Չունեոր	190
3	Միջակ	57
4	Ունեոր	40
5	Հարուստ	--
	Ընդամենը	687